

折

獄

新

語

折獄新語卷五

淫姦

昭陽李清映碧甫著 山陰王思任季重

一件大亂事

審得蔡威者寧海縣民也先因威與親兄蔡榮俱
抱無兒之痛而有蔡繼宗卽朱良霸則隨母適榮
遂以兒稱時威有女行四故曰四女而近牽赤繩
者卽以佳兒爲佳婿矣未幾良霸忽患瘋病威始
撫心自悔而威妻李氏則素號雌光棍以善相名
適象山縣人謝德周榮亦謬挾相人之術浪跡寧

海街頭。豈其目。眇心。招者。亦從。相法。中。得。來。而。李。氏。臥。闈。之。側。忽。爾。有。客。宿。宿。乎。時。良。霸。方。養。疴。伊。弟。良。甫。家。于。是。針。連。線。引。因。李。氏。洙。及。四。女。奉。化。之。同。逃。有。以。也。及。捕。獲。後。四。女。已。爲。歸。巢。之。燕。而。威。與。李。氏。各。從。輕。責。治。今。威。大。亂。之。告。胡。爲。乎。及。召。四。女。面。質。則。突。出。新。題。忽。認。爲。良。甫。之。妾。豈。新。婦。配。參。軍。不。妨。更。降。一。等。而。四。女。亦。欲。爲。公。定。罪。語。耶。必。也。正。名。乎。一。堂。之。紛。拏。安。揣。而。所。可。疑。者。四。女。每。出。一。語。必。迴。睥。睨。其。父。母。迫。驅。威。及。李。氏。

於外。而流涕沾襟者。始有不敢說之一語矣。總之。此一事也。有三奇焉。以兄妹爲比。鴛之棲。一奇也。以母女爲同。鶴之跨。二奇也。叔嫂之分。久定而忽化爲小郎之小星。又一奇也。謝德周榮。徒蔡威杖。四女仍聽朱良。霸完聚。

一件活佔事

審得曹文禮所告一詞。真狐搗連翼。鬼魅成羣者。也。先因王氏有女三人。次二女。幼新女。而新女之夫。則文禮耳。夫以婦人恒情論。則拋瓦每憎貌陋。

而○擲○果○偏○憐○年○少○者○此○亦○愛○女○者○所○當○善○為○擇○夫○也○然○此○父○母○事○非○女○子○事○何○王○氏○得○銀○六○兩○竟○以○

七○歲○新○女○許○適○文○禮○時○二○女○以○年○齒○不○類○微○阻○王○

氏○而○王○氏○不○從○茲○入○贅○三○年○矣○家○徒○四○壁○立○頗○類○

長○啣○而○琴○挑○無○韻○床○繞○無○錢○僅○以○傭○工○餬○口○耳○然○

亦○悵○然○於○妾○薄○命○已○耳○夫○一○與○之○醮○終○身○不○改○即○

李○相○挑○誘○有○心○乎○何○不○相○逢○未○嫁○時○情○知○是○止○矣○

不○意○王○氏○主○謀○於○內○而○有○痴○兄○范○全○忠○與○嫂○陳○氏○

皆○貪○賄○誘○淫○且○又○有○始○媒○文○禮○今○黨○李○相○之○王○敬○

川令圍打筭而夫方備外婦忽去帷則新女已入相家爲妾矣及文禮告後相復授意王氏等而問以新女安在則王氏曰無全忠曰無敬川亦曰無且出全忠婦陳氏供爲新女而曰是典於文禮者以羊易牛指鹿爲馬自非二女直云有阿妹在而新女終爲貯屋之阿嬌矣尤可異者以水落石出之時爲瀾翻蓬轉之計於是有慣討便宜之嚴大才復以狂蜂捨浪蝶之芬而柴壽傳言陳四作媒且有李相腹心又爲嚴大才堂兄嚴東者甘以共

家爲淫穴。而象面新女。又向人作初夜新粧矣。今問大才聘書誰授之。相授之也。大才聘金誰受之。相受之也。以他人三宿之熱鬧爲我數夕之淒涼。相豈忘情新女者。特假文禮大才爲鵲蚌之持。而彼且權爲漁人。睥睨耳。風裏花開能有幾時。而遽作奸徒之攔路。犬不亦愚乎。李相淫毒奸險。本宜撲殺此獠。今僅與朝秦暮楚之王敬川各按律擬徒者。幸也。其悔婚之王氏。范全忠與假媒之柴壽陳四。居停之嚴東。仍各擬杖。嚴大才一杖未足。茲

等合重罰以爲傳粉登場之戒。若里遜王德英等皆迷于李相之一觴而謬遞華狀。指新女爲大才妻者也。合各薄罰以儆黨惡。范新女送往事居一身而三作新人。豈以新女名者固多新也。姑以巾幘徒贖。仍斷歸文禮完聚。至當堂斷歸之際。而揮手頓足。絕無飛鳥依人之意。竊爲文禮之抱虎枕蛟。嘆也。獨范二女有妹一語。頗有良心。若隨母兄鼓舌。此案幾沉黑海矣。合量行給賞。

一件姦估事

審得胡太源者定海縣淫棍也先因鍾世祿擇不處仁曾携艾妻陳氏與太源比鄰於是目眈心招之餘猶恨無階可入而欲結同衾之歡於鶉奔者且先通連枝之戚於雁行矣只爲兄妹排連因此魚水難同不意太源反假兄妹以成魚水也時世祿一家無立錐人耳於是朝饔夕飧之費所銖畀而絲給者大約有一二兩之多忽一日內假他事爲世祿罪索其前逋不得則以彼婦償家兄而同林之鳥忽分飛太源家矣歌胡辭漢曾無戀舊之

情淫牝之髮。固不足擢。而太源之下餌。以釣何心。
藏非金屋。匿類窟室。入籠之陳氏。知不向陽臺夢。
世祿也。胡太源姑杖治。陳氏斷令世祿領回。

一件姦佔事

審得何九二者。乃徐戚生同堂姊夫。而顧氏則戚
生之妻。今典爲九二妾者是也。夫典妻出子。俗之
陋也。於斯爲甚。然逐隊終等於萍水。而薦夢不及
於瓜葛。則忽典忽贖。亦付此段醜境於浮雲耳。夫
九二與顧氏。則姑夫舅婦。而非日汝。是何人。我是。

誰也。戚生卽糊口不給。思欲販妻。然可以姑夫作
一並蒂之蓮乎。九二卽無兒自傷。思欲典妾。然可以
舅婦作雙栖之鴛乎。且九二妻徐氏。固宛然在也。
夫姑與弟婦。一等人耳。姑而主母升之上堂而呼
姑。與降階而呼主母。與弟婦而妾。貶之。匡坐而呼
弟婦。與側立而呼妾。與若魚貫而沐更衣之愛。不
知其如弟。荆而妒夫。籠倘夢熊而誕弄璋之嗣。不
知其稱舅母。而稱阿娘。咄咄怪事。犬豕不若。而行
自九二何也。今取典契閱之。則戚生願。顧氏亦願。

而作伐者、則叔徐國寶、弟徐應朝也、代書者、則徐堂康子美也、且聘以十一兩、限以三年、而戚生姦、佔之控、胡爲乎來哉、夫曰典曰贖、何云姦佔、彼九二與戚生、已人貌畜行矣、獨恨徐氏者、何以獅齋宜發而不發、又獨恨顧氏者、何以雌伏難甘、而能甘也、姑付諸化外之不治、而于戚生則的決、于九二則杖治、醒恥云耳、至顧氏者、爲九二妾有日矣、逆而行之、是以阿舅之婦作妾也、順而歸之、是以姊夫之妾作婦也、顛之倒之、聞者絕倒、合斷歸

徐成生以正綱常原契塗抹附卷

一件姦殺事

審得蔣少龍張章奉化縣捕盜也先因縣民吳曾
金妻杜氏素以出牆一枝爲蜂蝶之招颺而少龍
其陰覷而暗折者也野鶯情濃家雞愛索情乎未
幾爲曾金者忽來強犯皇馬和之攀于是縣遣張
章等往拘而牌不列名之少龍胡爲連袂而行微
闕其戶有婦獨處嫣然在床于是舍章等亟入與
淫牝盡赴陽臺之夢噫捕盜者而盜花枝矣時曾

金有兄曾旺，與曾金炊汲相連耳。忽聞捕盜數人至門，踉蹌驚詢，而章等以爲曾金兄也，因加以縲絏。戶外之牛鬪，方喧室中之鴛棲不穩，于是少龍杜氏聞聲，方整衣出視，而及門，雙屨已爲曾旺瞥見矣。不得已，高聲佯呼曰：「蔣少龍強姦我，非面被十重鐵甲者，何能耶？」應與白日宣淫之蔣少龍，分別杖贖。至曾金被攀，未必非蔣少龍等思爲眼釘之拔，而以授意馬和者，將取杜氏爲獨佔之樹也。合聽奉化縣審明，再加嚴質。

覆審得捕盜蔣少龍。乃淫如鴆毒如蝎。而捉刀起于床頭者也。夫少龍以脾不列名之人。而忽登門。忽入室。忽淫婦。彼杜氏者。何視所歡爲熟客也。強盜皇馬和之唆攀。無乃少龍獨佔有心乎。及經奉化縣審報。情果不謬。夫臥闥之側。有人軒睡。曾金寬而能容。宜若無罪。而少龍顧以客憎。主則倒置甚矣。今曾金庭質猶以少龍強姦爲言。而箠楚一及杜氏。則伏地悲號。噫。何其愚也。萬一少龍與張章等至。而曾金猶在。則以縲紲爲醜毒。以鞭笞爲

炮烙一入。犴穴曾金。恐爲長夢。之不醒。而兩淫。且
晏。然同夢矣。始姦人婦。繼謀人夫。今少龍之頓首。
服罪。將何說之。辭也。一徒有餘憾焉。杜氏仍炤原
擬的決。嗟乎。此禍水也。涓涓不絕。吳曾金慎之哉。
一件姦劫事

審得高坤八者。乃高鏜姪。而季氏則鏜妾也。先因
坤八以猶子之親。時出入鏜室內。然季氏側室耳。
非若叔侄之携妓。東山而野。花可以共玩也。適鏜
遠行。季氏獨處。彼坤八乘醉。慕往。誰呼之乎。豈小

星果欲爲明星之招也。時季氏處室之後。一聞忽聞前室內。勃窣有聲。疑偷兒至矣。迨披衣往視。則蹣足而前者坤八也。子以是爲竊屨來。與于是驚呼鄰里。而坤八始棄鞋狂走。今取季氏手中之鞋。而俾坤八以足承之。則足蹣蹣如有循然。不知足而爲屨。何巧合也。噫。彼絕纓。此獲鞋。皆有券可證矣。獨爲季氏者。不似却要妾之善謔。而先授席後。豁扉秉一炬。以嘲狂兒之覓宿耳。然持鞋而鳴鼓。拒同更衣矣。彼坤八於此。可曰吞鞋素有癡情。而

不禁失足乎。本當從重究擬。以肅家淫。但入鏡室者。尚隔一間焉。從輕擬罰。其猶有飾辭乎。則試問季氏在也。坤入何爲者。而入。

一件庠姦事

審得周思勤者。奉化縣生員也。先因思勤有田二畝。付王學思佃種。忽一日。邀窗友應懷玉。孫懋等。偕往索租。人杳然耳。問學思將何之。則以他出應者。伊妻葉氏也。

辨思勤入戶之挑。遽匆匆。乃爾迫斯。可以見矣。豈傾耳戶外。

者○忽○蕩○心○於○隔○花○之○啼○鳥○而○瓜○李○不○避○乎○葉○氏○攔
阻○之○餘○遂○至○揪○喊○于○是○叔○姑○胡○氏○徐○氏○踉○蹌○續○到
則○一○雄○不○敵○三○雌○而○思○勤○始○有○裂○冠○毀○髮○之○辱○矣
學○恩○之○控○豈○日○無○名○但○問○學○恩○何○以○他○出○以○此○糧
往○縣○耳○未○可○等○暫○出○于○遠○行○而○遽○責○葉○氏○以○賣○妻
之○封○髮○也○然○貞○同○斷○髮○矣○彼○有○髮○被○搆○之○思○勤○能
無○赧○顏○何○遽○云○剪○髮○夫○果○因○強○被○剪○想○當○待○月○耳
必○無○日○之○方○中○乃○携○兩○友○而○狎○一○婦○者○故○以○爲○搆
髮○則○自○取○以○爲○剪○髮○則○烏○有○也○獨○是○葉○氏○者○雖○貧

婦材姑乎頗有烈女子風今據徐胡二氏口供則
蟬噤不甘幾欲雉經吾頭可斷吾身不辱

該縣捐俸之獎其爲是乎彼思勤鬚眉丈夫
也得無悔其移步之錯而有愧巾幗之錚錚者耶
不別足而剪髮恐髮亦不任受葬也姑罰示懲

一件斬姦事

審得章馬者慈谿縣淫棍而柳阿安葉僧則該縣
捕盜也先因浦江人潘宗因事擺站車廐驛與妻
張氏同居不意馬之淫心張氏者幾作牆外一枝

也。夫。雄。非。子。都。雌。類。嫫。母。而。兩。情。戀。戀。者。不。知。從。何。處。結。姻。緣。情。至。不。在。色。其。馬。與。張。氏。之。謂。乎。適。宗。弟。潘。良。遠。來。探。宗。而。冷。眼。恐。覷。者。馬。遂。眼。釘。欲。拔。矣。於。是。授。計。阿。安。等。而。酌。以。旨。酒。啖。以。佳。餽。謂。良。殆。梁。上。君。子。也。遂。捉。拏。弔。拷。而。有。搜。虜。衣。物。廿。一。件。銀。五。兩。之。事。夫。良。之。抵。驛。與。良。之。被。擒。皆。以。三。月。初。六。將。攫。于。家。乎。長。途。之。遠。携。何。心。將。攫。于。驛。乎。白。日。之。巧。攘。奚。術。蓋。授。刀。者。馬。穿。鼻。者。阿。安。與。僧。而。總。皆。淫。牝。胎。禍。也。過。美。者。必。有。不。善。豈。過。

醜者亦有不善乎阿嫂搗逐小郎魚殃冤哉良也
章馬柳阿安葉僧俱應杖治張氏已經懲責姑免
深求如與章馬爲野鴛之戀乎則請以伊叔潘良
監之無使在柳潘宗終貽誚于鼯睡之木偶也

一件不法事

審得董金鳳者乃董元化族弟而馬方則金鳳妻
周氏之姦夫也夫明州之俗間有典妻出子事若
方與周氏則以非典非出者爲金鳳之自容鼯睡
耳未幾又挈妻周氏同入方宅而屋貯之阿嬌幾

令金鳳有蕭郎路人之嘆矣。不法之控有以也。今召方庭質云：典周氏爲室耳。冰人月老杳無踪跡。而自媒自娉，真有狐綏綏也。及越數日，又持僞契一紙，與假媒馮時明者至，閱其銀則八兩六錢也。問其期則五十年也。夫以廿餘歲少婦，更閱五十餘載，則老去徐娘將入木矣。豈欲金鳳交枝于墓上也。且時明媒灼耳，初掩紙詰之，則忽云六十年。又忽云三十年，而與約中所云五十年，絕不相蒙。嚙語耳。馬方馮時明各應杖治，其金鳳則啞啞之。

也。今乃涕泣陳訴。以妻性外向爲言。噫。擇不處
仁。今當卜居而徙耳。然慎無徙宅而忘其妻也。應
并杖之以正夫道。周氏逐野鶩而厭家雞。姑重責
免擬。仍歸董金鳳完聚。

一件串燒事

審得鄞縣人曹元。乃山東妖道王法師之徒。而慈
谿縣人錢德。則元弟子也。先因王法師流寓慈水。
建立無念社會。乃率先擁戴。推爲一佛出世者。則
元與德也。于是設壇聚會。名曰玄堂。非其會中人。

不得廁足焉。然初相崇奉者，猶愚男子耳。未幾少
女艾婦，絡繹奔趨。蓋一入玄堂，則如重關秘扃之
不可復詰，而聚以暮，散以曉矣。甚至棄產賣宅，從
如歸市。則堂之外所建，又十數壇，而壇之內所聚
又百餘人也。噫！此不必赤其眉黃其中，而亂茅已
啓矣。時慈谿縣素聞其名，方捕獲以絕亂源，不意
渾身是胆之元，乃敢訴憲也。夫始而匿，終而出，且
繫足犴穴，已經月餘，而脫離無法。殼觶有狀，兩法
師之神通平平耳。獨怪該縣審解後，案已如山，而

忽有慈谿里遁邵朱等。以及定海縣里遁曹徐貝等。皆挺身代辯。噫。此豈法師之護法與。則皆飲兩人狂藥而未醒于金雞之一喚者也。然問以曾講經乎。曾聚男婦于一室。而夜集曉散乎。皆不能措詞矣。若所云玄堂。則中有三間。三間之上有樓。而今經拆毀者是也。屋數間。壇數處。人數百。此豎勢何所至。獨不曰涓涓不絕。遂成江河乎。身省之前車可鑒也。曹元錢德應發口外爲民。玉法師仍行

嚴緝

覆審得曹元錢德之附和。王法師也。不過以講經。爲下魚之釣。而聚男婦以行淫穢耳。誰賜雙飛之。寺。俾主風流教法。而猖狂至是也。至咒語迷人。幾欲假法華經爲姻緣簿。想地獄之設。正爲是人。而何翕然競赴者。且地獄接瘡也。今愚男子輩。誤入術中者。則邵朱徐曹貝等。挺身代保者。是想已霍然。醉醒矣。至問以婦女何名。則咸切齒低眉。羞恨不忍言。夫貞如河間婦。而淫夫之罪。一墮且閉目。惡見故夫諸人。且羞且恨。大約與是同。則姑置。

名于弗問。而惟舉揚火激水之兩人。亟逆遠方。以靖亂源可也。其男婦諸人。雖日黠墨之難浣。猶冀濯水之可淨。合從寬政。以昭憲恩。

一件黑劫事

嘗得吳元者。仁和人也。先携妻楊氏。至象山縣烏江地方。沽酒之餘。因而賣姦。其如楊氏穠非桃李。而難弄風流。于楊柳何也。于是以銀十五兩娶已故潘民崇妻陳氏爲妾。且又有李一新妹。名妙妹者。曾托故伯李素撫養。于是以欠飯債故。準元爲

婢夫曰妾曰婢名耳。其實倚門塗抹。一葉任風。于
往來。而兩枝迎鳥于南北者。人盡夫也。噫。門前車
馬固稀。于楊氏之老大。然可曰陳氏之韶顏未陳。
妙妹之芳姿正妙。而以蕩子儔。汚良家氏乎。若果
娶妾置婢。如元所言。則彼赤棍耳。非曰珠藏十斛。
而買娉婷以教歌舞也。齊人有一妻一妾。而元更
益一婢。彼乞而此媚。吾未知陳氏妙妹所爲。訕其
良人而相泣于中庭者。謂何。然送故迎新隨風者。
竊傷楊花之無力矣。此該縣所以一斷歸宗。一斷

改嫁而以水洗墨也。元之懼罪而逃，固是鷄犬雀
疆之慣步耳。今既經緝獲，姑從薄杖。

一件通姦事

審得黃元輅、朱氏前夫，而李滋則朱氏後夫也。先
因元輅家徒四壁，販妻糊口，而滋遂出聘金廿八
兩，買朱氏爲婦。嫁非情寒，離緣益冷，其不切齒于
裂緘之王魁，而猶回首于持鑑之徐郎者，亦此婦
必至之柔情也。彼爲元輅者，獨不宜剛腸自決，莫
往莫來乎？胡乘滋他往，而潛謁朱氏，借衣禦寒，道

日無衣與子同袍。抑衣不如新人。不如故。或借此挑其故劍。遺簪之盼。而曰氓之蚩蚩。匪來貿絲也。夫笑啼俱不敢。方信做人難。因新官與舊官相對耳。若朱氏隔新官而接舊官者。笑乎啼乎。此滋且疑且妒。以通姦控耳。夫果通姦有之。亦是陽臺之宿雲。宿雨非新夢也。若從授衣起疑。則以情

義兩絕。忍心去闈之買臣妻。而見伊饑寒。呼飯飲之。其新夫不嫌也。呼飯不嫌。贈衣乃嫌耶。正恐元輅之源。源來者。將憂篋去。終盡耳。合量加罰治。以

絕其後。然則贈衣之朱氏。獨無罪與。曰。凡氏所處者。極難耳。夫此日相逢。其前夫也。若贈衣不可將。投梭乎。恐情留淚落者。猶悵然于家。貧身離之感。而難責去婦以處子之石心也。此訕笑其事者。又未嘗不嘆息哀憐其意。而若云贈衣後。將繼此抱衾與禡乎。則未可東家食而西家宿也。願朱氏無作是想。

一件異變事

審得傅林鳳傳繼壽乃同族兄弟而沈氏則林鳳

妻也。先因林鳳之田，與繼壽之田，原唇齒相接。其
因修築車水而互相詬誶者，謂角口後可相忘于
過耳。蚋矣。胡繼壽忿忿不已，登門詬詈。時林鳳與
沈氏相與以手報口，毒毆繼壽者，是實彼有耳。素
缺之繼壽，何忽賴及沈氏也。天刑而人殃之，豈袖
有鍊石者。沈氏果得女媧氏絕技，而將以補天之
手爲伊補耳耶。時林鳳耳聞其事，心竊忿焉。于是
借彼新題，另翻奇思，而謂此果人也。非天也。則將
強姦沈氏爲所咬去者也。夫人耳與已口，原遙遙

不相及。豈繼壽果巨耳。見沈氏亦長舌婦。故因姦致咬者。若是巧相湊乎。今而後折齒風流。又見缺耳矣。雖然耳實寃甚。夫使繼壽強姦果真。彼日眺心招者。五官亦應分受其過耳。何舉口之詈手之擊。盡嫁禍于耳。而偏罹此婦毒吻也。耳若能言。將嗚嗚訟寃矣。况強姦者死。將令缺耳者坐之耶。噫。沈氏羞頰耳。有何明眸皓齒。而缺耳者乃甘以軀殉也。恐鳳難逃。反坐矣。念係應兵。姑將借題翻題。之。傅繼壽。傅林鳳。各杖以戒新奇。今而後若相與。

停首事之戈。而敦同室之好乎。匪面命之言。提其耳。

一件姦殺事

審得觀海衛人鄭和尚。乃名借禪門。身依俗家者也。先因宋四妻彭氏。素爲出墻桃柳。而和尚則其穿戶蜂蝶耳。當日朝朝暮暮。公行醜恣于同室者。兩情蕩甚。嗟乎此子。猶曰和尚乎。彼葉蘭與蘭妻林氏。亦日無見而耳有聞否也。想望望然去之者。當遠蘭芬于鮑臭。而無以林婦爲穢鳥之同林耳。

男與四同賃一屋而時來和尚之耽耽豈色中餓
鬼俗語有謂而借其名者并符其實也鄭和尚其
不假而真乎乃問唇寄琴心齒流錦字而爲慣說
風情之馬泊六者誰則彭氏也身旣携雲而握雨
山又遯片而傳風林氏心動矣然終碍伊夫爲眼
釘而事不諧耳和尚之往杭宋四之設席皆僞題
也其調家鴛於離巢而引野鴛於入幕者妙計總
在并邀葉蘭四字耳今取原卷閱之則謂和尚托
辭離席忽入林氏房中而有動擾響亂之聲夫手

拒。不。嚮。于。投。梭。而。閉。口。若。寂。于。銜。枚。此。際。果。何。聲。
 也。蘭。趨。回。看。視。扭。獲。和。尚。將。無。巫。山。之。行。雨。已。歇。
 而。花。間。之。促。蝶。空。喧。乎。時。和。尚。窘。甚。亟。仗。其。子。鄭。
 麟。掙。脫。蘭。之。喊。動。地。隣。投。鳴。該。衛。者。忿。也。于。是。嬾。
 人。偷。和。尚。一。語。其。藉。藉。行。道。者。已。聞。為。新。聞。而。亦。
 不。知。和。尚。之。名。是。實。非。矣。此。林。氏。藏。風。流。於。皮。裏。
 一。者。忽。揭。衢。以。供。口。角。之。裝。演。而。有。面。難。施。也。當。夜。
 之。雉。頸。誰。為。威。逼。想。其。淫。以。導。淫。者。有。同。傳。鉢。而。
 終。是。鳩。逐。和。尚。雁。行。彭。氏。耳。吾。懼。林。氏。埋。骨。不。埋。

羞也。擬以威逼之，斬。時難逃矣。彭氏、鄭麟俱昭縣擬。

一件逼命事

審得已故陳氏，乃丘應麒妻，而孫和尚則陳氏姦夫也。夫婦而淫，何名和尚而亦淫？問其故，固名禪而身俗者，既非髡髮者，流安能借窟室以當金屋，而攝彼姝于摩伽之席？想當日之朝朝暮暮，或行鴛逐于鷄鳴耳。彼謝望雲者，何偏解人間風月之秘，而口多妮妮，豈兩人私相繾綣，原携來巫峽之

雲而爲望雲者果望雲而知之乎然胡不言于他人言于應麒也蓋微寓嘲笑而欲于山節藻梲內爲應麒新置一居耳其聞而怒怒而與陳氏角口也豈曰無因然不料陳氏性挾風流猶心存羞惡而當夜竟爲匹夫之諒也嗟乎從此夢斷行雲矣而皆望雲一言之貽毒也應麒生而怒死而憐果何爲乎無乃情深結髮而感觸引繩或猶以陳氏爲牽腸之絲而正恐陳氏終以和尚爲牽腸之絲也此淫牝者奚哀念之有然爲人而好談中冓之

醜則無人誅而有鬼責者也。行淫攻淫其罪均焉。合將孫和尚謝望雲各杖以儆。

一件親剿事

審得楊捨者已故王之鳳表兄而徐氏則之鳳妻也。今之鳳故矣。若爲徐氏者果矢冰清而守玉潔乎。則啼烏時聞于掩扉而吠犬不聞于履闥可也。捨果何親乎。而依迴其家。夫嫂叔不通言。况表嫂也。且表嫂而寡也。有婦獨處。媯然在床。而忽有踽踽涼涼於其側者。雖戶不迎風。室有明燭。其誰信。

之。則。有。從。而。疑。之。者。亦。兩。人。自。取。之。疑。也。若。以。經
理。喪。事。爲。言。而。謂。孤。孀。獨。守。何。以。支。持。則。坦。腹。東
床。之。樓。大。敬。已。儼。然。成。立。矣。其。扶。徐。氏。庭。質。者。何
不。資。一。臂。于。家。而。偏。藉。夫。捨。予。美。亡。此。誰。與。獨。且
將。無。空。床。明。月。又。起。一。番。景。孤。情。淒。之。感。而。好。憶
亡。夫。親。殊。半。子。者。未。可。縱。他。人。之。坦。腹。于。床。以。自
玷。清。聲。也。楊。捨。本。當。重。究。姑。念。事。非。踰。牆。迹。疑。斲
閤。合。罰。以。懲。其。誣。徐。氏。旣。操。矢。冰。玉。宜。嫌。遠。瓜。李
過。我。門。而。不。入。我。室。我。不。憾。焉。者。其。惟。楊。捨。乎。其

王家政等諸人亦不得揣摩風影。自處薄道。若徐氏之門。復有捨迹乎。則標而出諸大門之外。不則執之而已矣。

一件估婦事

審得余仲者。乃余明父。而周氏則余明婦也。今問明所操何業。則素善丹青。而未幾忽遭祝融之虐矣。有室毀矣。時津棍車春久。欲爲春風之入戶。惜無間耳。于是邀明與周氏同居。而私效野鴛噫。此禍水也。何茲日爲雨爲雲。反借烈火以結流水之。

緣想視余郎爲蕭郎矣。以路人之遠觀。抱室人之
虛器。吾不知周氏左擁故侶。右挾新歡者。果堪借
余明丹青妙手。而入之畫圖中乎。此伊父余仲。所
以心忿而口詈也。時森與周氏。不以明爲眼釘。而
以明之父仲爲眼釘。其指餘姚爲臨邛。而言就爾
居者。復駕予與行。亦何足怪。乃所可怪者。三人行
也。王孫怒女仲怒。婦情頗相似。然彼不追臨邛之
踪。而此欲返餘姚之轍。何也。歸與歸與。則莫若以
伊子之素善丹青者。而仍以丹青諷。夫心念故夫。

而忽圖一愛姬于側。作欲偶狀。則情絕于一唾。此舊圖也。若心牽淫婦。而忽圖一私夫于側。作欲偶狀。當面赤于一顧。此舊圖可翻爲新圖者也。其如彼婦知妬。而此子忘耻。何則有從而解之者。曰是黠兒也。解衣推食。春任之矣。旣無餐風吸露之苦。絮枕爛衾。明分之矣。又無斷雲訣月之悲。兩利而俱存之。真黠兒也。雖然。婦情何定之有。若再駕有心。恐春火而明冰者。不附驥矣。是癡兒也。則惟有逐春餘姚。而周氏則偶以夫明監以舅仲而已。雖

然春與周氏將從此分袂矣。吾不知余明之睥睨其傍而見此多情者怒乎憐乎抑與之愴然同悲而曰受恩深處便爲家乎合將柔腸太多之車春周氏剛腸獨少之余明各杖以傲。

件拐媳事

審得陳氏者乃吳衛之童養孫媳婦而楊捨保則陳氏姦夫也。先因衛妻老子殤餘孤孫一人。於是娉陳氏爲孫婦。然僅豆腐營生。躡居村店而欲禁陳氏之偷渡鵲橋也。則衛固有所不能衛也。于是

遮○遮○掩○掩○者○遂○爲○撩○人○野○花○矣○然○無○藥○可○贈○無○椒○
可○貽○僅○有○豆○腐○可○賣○耳○此○隣○人○楊○捨○保○所○以○私○闕○
門○中○之○人○面○而○忻○然○往○買○也○豈○豆○腐○可○當○瓊○漿○而○
假○此○以○訂○藍○橋○新○緣○乎○旣○而○改○木○蘭○之○故○貌○作○臨○
邛○之○夜○亡○誰○知○烏○之○雌○雄○且○相○携○慈○谿○矣○夫○捨○保○
不○似○盜○婦○而○衛○反○似○嫁○女○不○然○者○何○將○衣○服○九○件○
銅○錫○壺○瓶○七○件○竟○席○捲○登○舟○而○若○以○代○之○子○百○兩○
之○將○也○風○月○舟○中○爲○歡○非○夢○豆○腐○是○良○媒○不○謝○紅○
葉○矣○今○捨○保○自○慙○而○慈○復○自○慈○而○慙○果○何○爲○乎○旣

衣物俱獲而陳氏亦自慈谿逮至謂他人婦何辭
強佔其能逃于私同誘姦之徒乎若陳氏少女耳
不倚同室之家雞而盼東墻之野鷺何也合擬徒
贖以戒自荐仍斷歸吳衛與伊孫完娶雖然衛之
夫婦耄矣彼爲之孫者不知作何慙駭而去來一
任蜂蝶恐絲不垂于墻裏心仍逐于路傍者未必
能阻慈谿之再駕也則與其娶無寧賣

一件謀殺事

審得張道士之娶孫氏爲妻也蓋玄爲名而俗爲

家者也。夫類火居，類水居，類水居，類火居，類水居，類火居。則李子福其私夫耳。尋念道士貧且病，可空餌釣也。于是與父良臣合謀，而以李存道爲水人，以丘龍爲主家，想當日巧語花言，半軟圈半硬脅，不知作如何搆弄，而一紙虛填之契，所云代還債負者，已據雙棲爲獨佔矣。赤繩他繫青蚨不歸，豈欲道士餐霞而辟穀也。若真癡鳥耳。第爲子福與氏者，曷故卽有餘姚之行，而爲良臣存道者，曷故卽置道士于死也。皆不解也。將無野鴛自逐，同夢之歡，而病鶴誰憐，折翼之苦。

故爲道士者。未免有生離死別之感。而徐露悔心。乎將無嫁婦。僅載明月之歸。而還債。恐爽皎日之約。故爲道士者。未免有賠婦折兵之疑。而繼出怨言乎。將無兒媳之好。旣成。則男趨行雲夢。而子母之利。誰償。則父無避債臺。故爲良臣者。未免有得隴望蜀之奢想。而殺道士以滅口乎。不然者。何龍之晨出。猶見其形。龍之暮歸。竟無其影。而幾疑道士之真。同羽化也。嗟乎。各人故事。不必管我。其出于良臣口。入于龍耳者。道士之歎。何疑惜也。其無

茅山道士之一丸而起生三日也。既移屍有地。簡
身有傷。則應坐揮拳之良臣耳。顧不坐良臣而坐
子福何也。曰。誅意也。蓋子非不告而娶者。父又豈
不告而殺者。且無子諧齊眉。父代授首者也。故爲
李子福者。宜坐以造意之斬。若夫良臣存道之共
爲鼠竄。法應炤提。丘龍之同效。雞連。法應擬杖。罪
如是止矣。雖然。尤不能不爲孫氏恨。夫氏固九尾
崇耳。其棄藤蕪。如棄敝蓑耳。今之以不知情杖。將
去犴穴。而歸故園矣。弗逐風流。亟圖懺悔。惟有空

門。盡。日。無。梳。洗。耳。其。持。此。謝。道。士。于。地。下。可。也。
一。件。朋。姦。事。

審得楊捨三楊春，乃楊七堂叔，而王氏則郁仁妻。
助姐則郁仁女也。先因仁以販賣魚鮓，曾往象山。
則有向河邊浣衣者，乃王氏與助姐也。若謂母先
歸，女留後，果助姐招招有心乎？則昔有擊綿瀨頭，
而浣紗溪邊者，亦兩孤女耳。吾不知與助姐之徘徊
河干，奚似胡彼遇良人此逢狂且也。時七與捨
三從本處瓦礫歸，而春亦自里序放學歸，于是朝

聚河畔者。幾疑化作揚之水。而遙望浣女。遂羣鼓
慾海之濤矣。或邀岸下。或截河上。助姐將安之乎。
欲迎而解佩。無心欲拒而投梭。無物此擡頭。抱足
者。不藉目挑心招。而從竹林以逼赴瓦廠也。噫。青
僅一枝繞何三匝。則一人掩口。一人接手。又一人
行姦。以瓦廠爲聚淫藪耳。七先而捨三繼。捨三先
而春繼。雲驚雨駭。盡碎嬌紅。蜂忙蝶亂。羣凋嫩綠。
昏暈之餘。不止東風惡。而血鵲啼矣。迨羣姦旣畢。
則又移拋菜園地下。而擲果無憐。投瓦如憎。乃生。

女子載寢之地載弄之瓦豈以供行淫者此日之
凌轢也時助姐母王氏久訝倚閭無歸沿河遍覓
而忽見菜園有女猶昏暈偃地于是扶之床上灌
以姜湯方徐訴淫狀夫以十五纔可之女想作雛
鶯乳燕憐耳雖東床猶拒早棲之鶯而陌頭何來
攢啄之鶯睹此血衣能無鳴鼓胡爲七者且作血
口之噴而以和姦言夫一女和三男誕矣乃所尤
可傷者則身甫嫁而命遽殞耳嗟乎黃花恨折紅
葉羞題則當此新粧甫拭猶追憶浣衣舊事而悵

悒于浣體之無期者情也。死于慙乎。死于忿乎。恐。地。下。猶。聞。長。恨。歌。矣。除。春。已。改。徒。捨。三。已。伏。天。誅。外。合。將。七。炤。律。擬。絞。爲。倡。淫。戒。

一件斬逆事

審得徐氏女愛女。乃隱名于良。而居實于娼者也。先因愛女風流徑熟。曾隨私夫徐茂志。夜亡餘姚。而未幾縣捕甚急。潛踪無術。其不解琵琶絃以縊女。而反吸杯醪以自盡也。豈茂志亦畏軍使女之冤報乎。此禍水也。官賣何辭。彼宣性府吏耳。何近

黃堂而厠足者。忽欲竊附于蘇州刺史之惱亂。而紅裙是買。其先以十二兩還官。徐以十二兩議找徐氏也。黃金不惜買蛾眉。始信風流不獨太守矣。今據徐氏口供。則謂愛女習戲廿四本。可值價百兩。而性價猶廉。夫歌劇場上者。非如韻妓之几陳秦詞。口咏李句。而欲覓才子以訂佳儷也。正恐商婦之風月未老。而吏妾之雲雨難住耳。茲召愛女面質。謂抵家後。日喚以婆娘。而責其操作。其然。豈其然乎夫。

婆娘是喚而求其親卿愛卿何少韻也若女而
妓自應骨月而絃風至妓而妾何辭春霜而薪雨
一布衣椎髻操作而前良家嬾亦然胡言妾也門中
而露墻頭之面愛女蕩矣此性所以甘拋聘金而
一求遠禍水也自矜年最小復倚壻爲郎原非愛女
本懷可以性爲茂志之續而徐作一杯醜酒之贈
乎其定價廿四兩而炤前官賣也從一而終再斯
可矣無日所就三而所去三也宜性雖悔後非難
解前錯合與攀花趁蝶之愛女分別罰決雖然宜

氏子已矣。何以慰多情之茂志于泉下也。人立而啼。愛女奈何。

一件姦殺事

審得已故蔣學禮妻胡氏。以姦殺控也。非無因也。先因胡氏夫亡子幼。矢節不嫁。彼皇皇求偶之宋武。則身習裁縫。與氏炊汲相接耳。昔有結姻華族。而出其中。箱之剪刀。以聘者。想武之取諸宮中。以聘。常近藉是物。然以十載單棲之胡氏。未可日情變一朝。而牽赤繩以照素絲也。若裁縫欲覓佳。

儷當爲他人作嫁衣裳耳。安可結縷帶于貞婦。而以制彼裳衣者。自擬衣裳楚楚之新壻乎。嫁必裁縫。恐讀無裳之詩。而膠矣噫。彼孀婦者。尚有親伯。蔣學詩在。倘向學詩而議禮。則閭道漁郎。或不至桃源。錯入。何以遠族蔣小忠主婚。以他姓鄔錫爲媒。而結羣狐以欺孤鵠也。且借穿針巧手爲穿穴捷足。而破扉登闥。何多拳勇。無非擬胡氏于河間婦。而謂冰玉旣點。便當欣然爲逐水之萍桃耳。奔雲湍雨。忽下陽臺。誓日砥霜。不近巫峽。此胡氏所

以怒吼隣里。而自于蔣頑皮口供者。固歷歷如畫也。其言也直。不爲賄動。快哉頑皮。獨小忠手捏婚書。何爲得無頑皮之爲頑夫。廉而小忠之爲人謀而不忠乎。合與假媒之鄔錫強姦之宋武。各從重擬。徒若爲武者。猶指婚書言。而自諱強姦手。則當日膽落婦吼。而踰垣狂走。尚畱卸衣一件于婦室者。豈真風吹之繡被也。纖纖女手。可以縫裳。知胡氏不作裁縫婦矣。若云不如子之衣安。且煥兮。則胡氏貞婦也。必無此言。

一件急剪事

審得張繼鳳者慈谿縣惡丐而張繼壽張繼僧與張貴皆繼鳳翼丐也今取慈谿全招閱之則倡亂者已伏天誅報怨者亦遭冥攝此案可付一炬矣及繼鳳被獲而舊忿已磨新寃方結則不能不爲已死之管氏傷也夫管氏者非爲繼鳳淫逼而含羞自盡出於已故張僧之口供者乎今問管氏夫安在則飄零長安者方作憶家無心之狂夫而管氏則孑然一蕩子妻耳故當此羣丐凌逼時而杯

酖未蓄于牀頭。利劍寧懸于蓬戶。急死不及緩死。而羣巧已圍咽至矣。此所以卒被繼鳳之污也。噫。生則形穢。死則骨清耳。雖然。死何易談。夫世非無慷慨男子。願爲國家受此一刀。而一念濡忍。萬端決裂。作如此舉。止羞面見人。扇障何益。若管氏之自盡也。頸可受繩。面不障扇。志決矣。傷哉婦乎。謂宜文人贈歌韻。士題句。以爲此婦闡幽光于地下。而迄今寂寥。無聞竊爲慈之紳衿。尤况可令淫丐高張。烈婦低恨乎。今庭質時。繼鳳猶嗷嗷強辯不

過謂張僧已死對質無從耳然何不指他人而偏
指繼鳳且已遠火樹復赴湯池未必非貞魂陰掣
其足也初供既爲鉄案後審難作疑獄矣合按律
擬斬以正厥辜雖然猶不能不爲管氏傷夫虎丘
之側墓題貞娘若何以風流竊篋烈名也如管氏
者可作慈水貞娘矣旌其墓而賜之額以爲婦人
之朝雲暮雨者勸更以爲士大夫之朝秦暮楚者
規是舉也亦足以風

一件姦殺事

審得已故鍾應時乃陳氏夫而袁曾第則陳氏姦
夫也先因陳氏治蕩無簡與曾第私合然亦背其
夫以暗訂雲雨而昏以爲期耳適時屆中秋則月
出皎兮時也豈如練復如霜者偏有以炤床裏之
狐眠而景之涼不禁情之熱乎于是曾第步月以
往而微矚其戶應時在焉噫月夕雖阻他朝可俟
且陳氏之網繆有素不訂佳期于隱語者未嘗反
掌者三以應十五日數也又未嘗指胸前小鏡子
而以月圓如鏡者招使來也胡偏戀戀于中秋之

十五而乘醉闖入曾第暴矣彼應時雖闇夫乎然以月明如晝之夕而欲其推雲讓雨

則情所不能其見而怒怒而與角也豈曰無

因何曾第既淫且毒而毆以柴棍復壓以磨石也以若所爲自謂暮夜無知耳然日不炤爾月則窺人彼陳氏處此將左袒乎右袒乎夫烈火乾柴牽惹有緣想淫牝之蕩若逐水原砥石無貞而今者之死其夫于柴棍磨石下也伊實致之已本當駢首藁街以慰冤魂姑念偷歡有約同謀無心則斬

曾第而絞陳氏亦及于寬政云爾若猶憶中秋佳
夕而欲再訂月中之誓乎則請俟之月落重生時
一作拐妻事

審得張德者乃王氏夫而張小僧則王氏姦夫也
先因德身嬰足疾舉火無資然有醜婦王氏在適
淫棍張小僧亦醜夫耳陋難目眺蕩可心招知彼
知己反成佳伴此所以眷戀德宅而飼彼病鶴佔
茲野鴛也日之方中言咲晏晏想小僧不作僧敲
月下門矣迨綢繆移時則于小僧反爲沾泥之飛

絮。而。于。德。轉。爲。流。水。之。落。花。于。是。畫。厭。眼。釘。夜。駕。
逸。帆。而。同。潛。他。所。想。其。坐。不。炤。鏡。而。行。不。映。水。者。
知。容。顏。外。另。有。風。情。耳。然。誰。爲。阻。雨。而。駭。雲。顧。乃。
犇。星。而。逐。月。獨。樂。樂。與。人。樂。樂。孰。樂。曰。不。若。與。人。
小。僧。豈。未。聞。斯。言。而。欲。求。情。專。祇。促。緣。盡。耶。今。緝。
獲。後。淫。牝。又。携。一。幼。子。至。而。德。指。之。曰。此。我。兒。也。
小。僧。亦。指。之。曰。此。我。兒。也。還。問。雅。兒。孰。是。若。翁。將。
此。際。之。東。走。西。顧。者。果。似。誰。面。而。投。誰。懷。胎。月。分。
張。與。阿。誰。恐。術。士。推。筭。至。此。都。窮。矣。尤。可。恨。者。小。

僧又諱拐爲典、而贖契一紙、忽出袖中、噫、彼所謂
典以十二兩、推以二十年者、何證何據、昔以十斛
而買名姬、今奈何以十二兩而典魔母、且據其室、
擁其妻、而顧使踽踽涼涼之病德、反作雲雨分飛、
二十年乎、恐難云頭白重相見矣、合斷張德領回、
仍將張小僧王氏、各杖決以儆、雖然、妻則德妻也、
但錯認子、奈何則請待之、出骨瀝血時、

一件淫叛事

審得奉化縣人朱那祁、徐氏夫也、先因那祁與徐

氏○普○勿○結○絲○蘿○乃○問○誰○爲○往○來○徐○氏○家○則○胡○美○卿○
而○既○姨○兄○又○門○子○也○夫○門○子○遊○冶○郎○耳○將○無○偏○中○
徐○氏○盼○而○謂○世○間○男○子○盡○皆○風○流○及○適○邦○祁○後○則○
氓○之○蚩○蚩○耳○市○果○無○投○車○瓦○有○擲○殊○切○天○壤○朱○郎○
之○恨○矣○噫○若○愛○好○如○徐○氏○當○追○恨○父○母○家○不○早○設○
選○壻○窓○而○聽○其○擇○面○首○以○作○佳○伴○耳○于○駿○壻○何○尤○
而○魚○水○不○和○于○畫○眉○參○商○乃○構○于○反○唇○也○今○據○邦○
祁○口○供○則○謂○徐○氏○語○次○間○每○舉○胡○門○子○相○况○責○其○
不○類○夫○女○爲○悅○已○者○容○耳○豈○門○子○亦○慣○爲○悅○已○者○

容○若○欲○相○類○無○乃○以○抵○掌○美○卿○者○日○作○優○孟○之○衣○
冠○以○自○媚○與○其○如○駮○壻○無○此○風○韻○何○此○所○以○乘○邦○
祁○他○出○而○厭○彼○新○巢○忽○返○故○壘○也○入○門○有○進○而○與○
徐○氏○言○者○其○胡○門○子○乎○迨○邦○祁○返○宅○後○覓○婦○不○得○
于○是○亟○迓○妻○家○彼○婦○見○徐○國○恩○當○拒○一○妹○私○奔○耳○
邦○祁○之○在○門○也○若○在○所○禮○而○不○答○何○也○不○欲○其○入○
而○閉○之○門○者○無○乃○又○胡○門○子○乎○雖○然○謂○他○人○婦○門○
子○無○乃○太○橫○豈○倚○公○門○爲○嚇○虎○而○傍○朱○衣○爲○媚○狐○
者○或○未○免○有○殺○鼠○忌○器○之○嫌○邦○祁○之○不○告○奉○化○而○

告鄆縣也。點耳何云。騷此吾弄。臣君釋之。恐難求。解于代庖之李官矣。合斷朱邦。祗領回仍杖胡美。卿以儆。

一件劫妻事

審得宋敬者已故銀匠周震之徒。而沈氏震妻。周氏震女也。先因敬以師弟出入震宅。于是心涎周氏。艾而謀納爲小婦。然傳粉無韻。竊玉有情。終望梅痴想耳。適震以疾故。于是假助喪爲釣魚餌。且又出銀三兩。賃沈氏之宅以居。蓋將賄母以通女。

也。夫愛女者擇壻，或取其年齒相類者。長一日以結三生耳。若敬與周氏年齒遠甚，引禿鷲以耦乳燕，豈曰華如桃李，且不明娶而苟合，以逐隊非類可乎？彼沈氏者，非眼內無珠，直目中見金耳。借曰未知亦既抱子，非沈氏之縱而誰縱也。時同族周英、周十等相與鄙其穢行，嘖有煩言者，是實然。猶謂中冓之醜不可道耳。迨綢繆既久，遂欲以鵲橋之偷渡為鴈幣之明將，其來英、十等之喧譁而麾其聘物者，亦正也。若生員周士龍，同姓異族耳，既

有東周西周之別。雖聯勝薛之居難。主秦晉之好。胡合謀英十者。欲勾徐永之子。徐一以配。茲據敬口供。謂一非娶也。乃搶耳。然劫綃奪柳一弋便獲。未聞機洩者。猶再飛崑崙之垣。而事露者可重挾。虞侯之馬也。彼所謂始搶于周氏宅。再搶于已舟者。無乃太誕乎。然以數十人往。而盛其擁衛。則亦慮敬競婚有謀。而其寔爲娶。其迹似搶耳。茲召徐一面質。則翩翩少郎。格調相稱。而敬頗類戚施狀。今之眷戀所求。豈欲自附破鑑徐郎。以真歸故劍。

乎。彼周氏女已。另有一徐郎在迎新。有同覆水婦。睹舊不作賣餅妻業。耦一三載。而生子一人矣。若令宋徐兩家兒俱呱呱公庭。不獨兩夫之間難為。婦抑且兩子之間難為。母今宋兒已死。惟徐子在耳。無已。或寬大法以順人情。而于宋敬之以姦謀。婦者則難續。以端午續命絲于徐一。以娶生子者。又難剪。以并州剪刀乎。周氏合斷歸徐一。完聚仍于徐一。名下量追銀六兩。以給宋敬。若敬之隱姦為娣欺矣。姑念言雖不實。事亦有因。其以淫夫

爲山夫也。一杖有餘愧焉。或曰：敬固有妻邵氏在。然則齊人有一妻一妾而處室者，非與此寓言也。願敬無作兼二想可也。

一件盜嫂事

審得周氏者，乃王祖述妻。而蔣氏則周氏姑。王麟孫則周氏叔。周一忠則又周氏兒也。先因祖述素患風症，幾成棄物。若蔣氏果知周氏不端，當遣上別船耳。乃覆水未諒于生婦，而憂羹已隙于小郎。有夫如此，不如無有。有叔如此，不如無有。麟孫

之罪薄乎云耳。於是貪淋一忠，遂伺間動矣。且有伊族王因之，王尚臣與親人徐三九等，非一忠暱友，則周氏私人，而切切于風雨鷄鳴之夕者，皆若輩也。時家狐野豺相牽連，鷄而周氏忽以分家告，夫室有闈夫，懷無弱雛，渠將誰遺。無乃不在馭夫而在點兒乎。乃求分不得，遂至盜賣。若問誰教，係當曰：吾兄教我未也。印須我友蔣氏之告。豈曰無名而姦嫂一紙，其出周氏掌中者，何突墜一奇兵也。今召周氏詰之，則謂麟孫啟戶，實於殘鐘斷角。

之○候○而○麟○孫○登○閔○卽○爲○牽○惟○解○衣○之○舉○信○斯○言○也○
周○氏○何○緩○於○自○護○而○急○于○罪○人○乎○且○禮○有○衣○牀○有○
刀○豈○至○誠○可○以○前○知○乎○且○一○手○持○刀○一○手○剪○髮○何○
拒○侮○甚○忙○而○布○着○甚○閑○乎○且○麟○孫○兩○手○豈○有○鬼○物○
束○縛○之○而○旣○不○往○格○亦○宜○自○護○何○手○而○無○纖○痕○之○
損○乎○今○問○而○叔○髮○尚○在○不○口○在○也○則○此○婦○之○髮○可○
擢○矣○姑○以○誣○告○徒○贖○周○一○忠○王○因○之○唆○使○有○心○朋○
捏○無○據○各○擬○城○旦○王○尚○臣○等○并○杖○若○王○麟○孫○本○無○
姦○情○所○不○能○措○詞○者○我○乃○無○兄○耳○欲○洗○鶉○雀○謗○寧○

受豺狼名慎無曰嫂溺援之以手者權也

一件姦酷事

審得王繼英者王守道侄也先因徐俊鄉與妻王氏同賃守道宅以居乃王氏則移人尤物也風雨鷄鳴之夕移而西廂則朝朝暮暮繼英不僅東牆之宋玉矣夫守道宅主也寧無禍水臨門之懼乎其嗔責不從呈縣審逐無曰此大不近人情壞官室以爲汚池小子鳴鼓而攻之可也今俊鄉姦酷之控胡爲乎來哉夫使守道挑姦數次果如俊鄉

言○何○遇○任○既○深○擲○果○之○熱○而○遇○叔○復○嚴○投○梭○之○冷○
豈○兩○姦○相○挑○又○欲○從○一○而○終○也○噫○俊○卿○鵲○耳○吾○巢○
也○豈○容○並○居○有○鳩○渠○當○割○亦○繼○英○以○是○爲○鳩○耳○而○
乃○遷○怒○於○攻○繼○英○之○守○道○則○開○巢○而○揖○鳩○矣○彼○爲○
繼○英○者○奈○何○既○淫○婦○又○唆○夫○豈○非○俊○卿○艷○心○家○兄○
而○遂○不○難○以○彼○婦○爲○市○也○乃○訊○質○之○際○猶○忿○忿○以○
守○道○封○屋○言○恐○王○氏○者○已○爲○繼○英○貯○屋○之○嬌○而○俊○
卿○終○亦○止○於○誰○屋○矣○王○繼○英○徐○俊○卿○朋○比○爲○姦○合○
各○杖○治○仍○押○俊○卿○與○王○氏○遠○徙○若○繼○英○踵○門○而○告○

乎○當○以○杖○叩○其○脛○耳○無○日○閉○門○而○不○納○是○皆○已○甚○
一○件○佔○姦○事

審○得○沈○良○與○馮○思○皆○羅○雲○婿○也○夫○婦○人○皆○愛○其○少○
子○而○雲○獨○愛○其○長○女○彼○何○愛○於○長○女○而○體○之○致○以○
長○女○媿○而○配○一○慧○且○姣○之○良○又○何○不○愛○于○次○女○而○
苦○之○致○以○次○女○艾○而○配○一○魯○且○陋○之○思○乎○豈○是○天○
公○錯○配○實○亦○大○人○誤○相○此○良○與○思○妻○所○以○尤○難○爲○
情○也○一○則○兩○相○妬○良○曰○吾○不○及○思○彼○有○妻○佳○思○妻○
亦○曰○吾○不○及○姊○彼○有○婿○佳○一○則○兩○相○羨○良○曰○若○得○

妻如思妻吾無恨思妻亦曰若得婿如姊婿吾無恨噫兩人情痴哉聞娶美婦而讓兄不聞適佳婿而讓妹若云二女女焉則二者不可得兼况羅敷自有夫雖然陋如之何迨良妻以不得于夫鬱鬱致隕而一夫一妹其哀而不傷可知也吾得聞矣于是乘思備外入伊家私媾夫思固陶人也是真土偶耳若良之治絲爲業者亦氓之蚩蚩非來貿絲乎本是雁行忽作貫魚吾不知誰爲號國之新寡而忽以譚公私邢姨以若

所為詎止曰吾姨也止而見之此思佔姦之控所繇
 來也彼思妻嬌嗔頓發遁入尼菴何為乎恐問渡
 沈郎又舍桃源而走蓮池矣合杖治良并的決思
 妻以戒朋淫今而後乃知生姊妹之未可權充死
 姐姐而大姨夫之未可遽作小姨夫也

一件抄殺事

審得佛家輪迴果報之說渺若捕風而獨於侯于
 京宋高陽一案則又如秦夫高陽有妻陳氏既訣
 妻為僧而倪氏亦有夫于京則訣夫為尼誰為捺

喝。忽作鉢持。若以同志同道相逢雲水間。當欣然
曰。必有我師焉。彼于京陳氏之。以其所有易其所
無而結歡伉儷者。何巧奏也。無乃于京之言曰。吾
婦女僧也。非僧婦不婦。無乃陳氏之言又曰。吾夫
僧也。非女僧夫不夫。巫山有緣。翻借筏寶刹。亦一
竒也。雖然。彼于京婦與陳氏夫故在。若餘情未歇。
當拒敲門于月下耳。曰否否。渠僧尼也。何情而不
知。兩人之多情更甚。則高陽又以易內故事。私姦
倪氏是噫。若忘佛有戒耶。但知出爾反爾。曷不云。

戒○之○戒○之○耶○無○乃○以○禿○翁○覓○梵○嫂○非○黑○衣○同○着○不
爲○好○速○乎○抑○媚○娘○尼○而○懷○義○僧○是○因○非○俑○君○何○尤
焉○雖○然○二○小○兒○登○肩○又○奈○何○不○聞○和○尚○樂○爾○妻○孥
或○羨○火○居○道○士○亦○比○例○陳○情○耳○今○廷○質○時○僧○尼○譁
然○固○笑○柄○亦○怪○事○也○然○何○怪○夫○于○京○妻○高○陽○妻○則
高○陽○亦○婦○于○京○婦○彼○佛○家○輪○迴○果○報○之○說○無○乃○應
爾○然○其○如○僧○尼○何○也○以○空○門○清○淨○地○而○如○鼓○瑟○琴
乃○依○我○磬○聲○耶○師○乎○師○乎○地○獄○之○設○正○爲○是○人○矣
合○將○宋○高○陽○倪○氏○各○杖○以○傲○仍○斷○令○遺○俗○易○擇○所

配謂律不妻淫云耳。雖然于京固使君有婦而倪氏亦羅敷有夫無向故道而覓新婚也。

一件姦阱事

審得張樟僕章文華之以投井死。則婦徐氏爲禍水也。夫徐氏以青年艾婦依依主側。然其主一頽然老翁耳。彼氏何愛于老翁。而以一枝矜艷者。偏向寒鴉之枯木。而問棲無乃。徐娘雖老。猶尚多情。而此婦故不欲以少憎老乎。雖然渠夫文華在夫。婢爲無主之間。花故僅以修容起娘妬。而婦爲有。

定○之○比○鴛○故○尤○以○呈○身○觸○夫○嗔○然○此○爲○常○情○言○也○
惟○有○性○與○人○殊○之○僕○則○專○以○妻○爲○釣○主○狐○媚○而○始○
奇○貨○繼○長○城○良○田○美○肆○惟○伊○蚕○漁○或○告○主○人○主○人○
不○問○夫○主○人○姑○息○則○主○婦○嗔○怪○檜○妻○陸○氏○之○內○譁○
不○過○風○霆○起○於○雲○雨○耳○若○文○華○弗○怙○婦○寵○小○心○翼○
翼○則○猶○可○及○止○也○奈○何○獅○吼○有○聲○而○蠖○屈○無○態○甚○
者○弩○目○反○唇○如○抗○儕○輩○小○杖○受○而○大○杖○走○、○將○何○
所○且○爲○禮○者○已○茫○然○于○拄○杖○之○落○手○矣○文○華○倉○皇○
入○井○夫○豈○得○已○嗟○乎○徐○氏○安○在○獨○不○念○井○有○人○焉○

其從之也。此雖不得以胭脂井名，亦不至以辱井呼。猶幸哉。張樞壺政不肅，因姦起釁，恐難遁其辭。曰：吾老矣，合量加罰治。徐氏合聽官賣夫，亦曰：禍種尚在，無子謂之姑徐。云耳。若文華井中一屍，合令伊兄文榮領瘞，出從而掩之。今而後乃知今兄之勝昔弟也。

一件首奸事

審得婦人之以淫聞也。惟艾氏差可原。蓋緣伊夫倪成坐毆死人命擬辟，噫若家是獄矣。一朝之忿。

忘其身。以及其妻。則一切饘粥之需。非艾氏。誰任。然夫家之舅姑伯叔。無已家之父母兄弟。亦無若嫁人乎。則夫餒若渴。已乎。則已。與夫俱餒。於是點石無方。而逐水有意。此里人周全。所以私其妻。并飼其夫也。敢云有酒食。夫子饌食粟而已。豈是買笑追歡。猶自含羞抱恨。胡全族弟周黨。又涎艾氏艾。而謬希朋姦艾氏之拒。非曰從一不得已也。其可再乎。而若何爲黨者。又以首姦控也。今召艾氏廷質。則兩淚垂頰。若不勝情。謂恩莫深于夫婦。而

痛○莫○切○於○飢○寒○嫁○人○不○可○潔○已○不○能○直○是○心○苦○以○
致○身○辱○耳○時○問○官○聞○言○亦○慘○然○色○動○謂○艾○氏○處○此○
奈○何○若○使○成○以○穢○飽○之○蠅○蝨○忽○化○爲○潔○飢○之○玄○蟬○
義○也○非○情○也○則○請○此○婦○比○例○書○其○事○於○衣○以○持○沿○
門○一○鉢○夫○乞○之○爲○名○賢○於○淫○是○或○一○道○也○周○全○情○
多○於○義○周○黨○憐○奪○於○妬○應○分○別○杖○治○艾○氏○已○經○薄○
懲○合○免○的○決○今○而○後○願○氏○之○盼○煙○而○乞○者○弗○及○全○
門○也○望○望○然○去○之○又○顧○而○之○他○